

DISSERTATIO INAUGVRALIS PHYSIOLOGICO-MEDICA
DE

SERO
CORPORIS HVMANI



QVAM

IVSSV ET AVCTORITATE
GRATIOSI MEDICORVM ORDINIS

PRO

DOCTORIS IN MEDICINA
DIGNITATE

IVRIBVS ET PRIVILEGIIS

LEGITIME IMPETRANDIS

ANNO MDCCCXLIX. A. D. XX. IVNII
ERVDITORVM EXAMINI

EXHIBET

IOHANNES LVDOVICVS FÜRSTIVS
ONOLDINVS.



ALTDORFII,
EX OFFICINA HESSELIANA.



PRÆFATIO.



Ii, qui morbos corporis humani, quorum sane haud parvus est numerus, in ordinem redigere, et incertas classes distribuere, allaborant, haud pauca eorum morborum genera, quae a feri uel uitio, uel extrauafatione, originem ducunt, nobis recensent. Id quod iam ueteres probe agnouerunt, dum multos morbos a pituita deriuarunt. Vt autem eo rectius constet, quomodo serum hos morbos producat, uel, quid sibi Pathologi uelint, si quando de morbis serosis agunt, uel, qua ratione feri uitiosa constitutio sit exploranda et diiudicanda,

canda ; necesse erit , ut ex scholis Physiologorum , qui corporis sani indolem exponunt declarantque , probe discamus , quem , qualemque , humorem sub feri titulo nobis exponant. Id autem eo magis necessarium esse arbitramur , quo certius est , magnum adhuc esse inter Physiologos dissensum , si apud illos de hoc liquore sermo est. Hae itaque sunt praecipuae rationes , quae me quasi impulerunt , ut , cum ex mandato *Gratiosi Ordinis Medici* , inaugurale specimen edere debeam , prae aliis , hoc argumentum elegerim , mecumque constituerim *feri corporis humani* historiam paululum accuratius enucleare. Etsi nunc quidem mihi probe conscius sum , me eum haud esse , qui lites tantorum in arte medica eruditissimorum uirorum componere ualeat : attamen , quid ingenii uires in tam acuto dignoque argumento elaborando praestare possint , pro uirili parte periclitabor.



DISSERTATIO INAUGVRALIS PHYSIOLOGICO-MEDICA
DE
SERO CORPORIS HVMANI.



§. I.

Machina corporis humani, mirificum istud et omni admiratione dignissimum maximi conditoris opificium, ex tam innumeris tamque interdum aliis exiguis organis, uel machinis est composita, ut etiam acutissimorum oculorum aciem, immo ipsum armatum oculum aliquando subterfugiant. Hae uero partes omnes, etsi tam ratione materiae, quam formae, mire inter se differant: attamen ita ordinate et artificiose cohaerent, ut non solum exactissimam symmetriam non raro inueniamus; uerum etiam, ut ad tam multiplices actiones edendas aptissime sint inter se ordinatae. Non solum autem haec machina ex meris firmis, quarum plures sunt, uerum etiam ex fluidis partibus, ita est composita, ut fluidae in solidas, et hae uicissim in illas, motu reciproco continuoque agere soleant. In quo motu reciproco deinde fundamentum et ratio totius uitae animalis est quaerenda.

§. II.

Quemadmodum autem partes firmae, seu solidae, sub titulo *organorum*, uel *machinarum*, comprehendi possunt: ita partes fluidae a Physiologis *humores* saluari solent. Quae partium summa diuisio, cum illa antiqua ab HIPPOCRATE iam inuenta distributione in partes

contentas, continentes, et impetum facientes, facile est concilianda. *Humores* illi uero non unius constitutionis et usus sunt. Alii enim ad indiuidui conseruationem; alii ad speciei propagationem faciunt; alii corpus nutriunt; alii istud mouent; alii sunt retinendi; alii excernendi; et inter eos iterum alii utiles, inutiles alii, in institutionibus medicis uocantur; et quae distributiones eorum plures sunt.

§. II.

Inter illos humores sanguis sane princeps est dicendus, non tam propter insignem copiam, nec etiam propter eminentem purpureum colorem suum; sed quia omnes ceteri humores, si uel solum chylum excipimus, in corpore animali, ab hoc fonte deriuantur, et ab eo ortum ducunt; deinde etiam, quia hac ratione maximum usum in oeconomia corporis praestat. Post sanguinem uero, omnino eminet *serum*, cuius copia omnes humores superat, et de quo in praesenti porro sermo erit. Quoniam autem hic terminus *serum* in scholis Medicorum admodum uagus est; igitur, antequam definiam, quid proprie *serum* Physiologis denotet, uarios antea huius uocis significatus, qui in scriptis Physiologorum inueniuntur, explicari debent. Tres autem potissimum sunt huius uocis significatus generaliores: interdum enim istud uocabulum a Medicis sumitur in latiori et fere physico sensu; alias in strictiori; interdum uero, et ut plurimum, in strictissimo, seu in proprio significato; de quibus uero singulis interpretationibus nunc sigllatim dispiciemus.

§. IV.

Si itaque *serum* in triplici sensu, et quidem primo in sensu latiori consideramus; per *serum* Medici nonnunquam intelligunt quem-

cun-

cunque humorem corporis nostri ad aquae naturam et indolem proxime accedentem, siue sit humor corporis nostri excernendus, vel retinendus; siue utilis sit, siue inutilis; modo, quatenus maximam partem cum aqua conueniat; uti sunt, lymphæ proprie sic dicta, liquor gastricus, pancreaticus, saliuæ, sudor, aqua pericardii, uentriculorum cerebri, lacrymæ, etc. Atque tunc idem fere denotat ac Graecorum φλέγμα, et Latinorum Medicorum, inprimis qui GALENI dogmata sequebantur, *pituita*. Hinc quoque ortum ducunt illae locutiones, ubi eiusmodi humores uocantur *humores serosi*; unde deinde *morbi serosi*, *temperamentum serosum*, *pituitosum*, seu *phlegmaticum*. In hoc ampliori sensu de sero ita differit GEORG. WOLFFG. WEDELIVS (a): *Serum uocamus, inquit, quidquid aqueum primum est in corpore, et alimentarium consequenter quoque. Aqueum primum est, albidum colore, unde siue lympham nomines, seu laticem, seu humidum radicale, perinde est.* PHILIP. uero VERHEYNIUS in *Physiologia* sua (b), hunc *seri* significatum magis uocat *physicum*, ubi tamen *serum* quoque distinguendum esse docet, ab *aqua elementari*.

§. V.

In altero et strictiori significato *serium* saltem uocatur uulgo dictum *serum sanguinis*. Si enim sanguis in concreto sumitur, eum, secundum nonnullorum mentem, commode in duas partes principales diuidi posse affirmant: in partem purpuream, quam in specie *cruorem* appellant; et in *serum*, seu partem Lymphatico-aqueam. Et quidem eam ob causam, quia in corpore uiuo, et extra corpus ejusmodi quasi spontanea diuisio in
has

(a) In *Physiolog. reformat.* pag. 37.

(b) Siue in *Supplement, anatom.* pag. m, 102.

has duas partes obseruatur. Si enim sanguis arteriosus uasa minima ingreditur, diuidit se in partem maxime *cruentam*, quae a uenis excipitur, (nec is enim cruor a parte *serosa*, uel *lymphatica* plane liber est) et in partem *lymphaticam*, seu *serosam*, uti alii loqui malunt, quae a uasis lymphaticis propriis uenosis absorbetur et circumuehitur. Extra corpus uero sua sponte omnis sanguis, uel ex uena, uel ex arteria emissus, post paruum temporis interuallum, naturali quasi modo in duas partes, *serum* nimirum et *cruorem* se resoluit; hac quidem distinctione, ut deinde *cruor* magis partem *solidam*, *serum* uero fluidam, referre soleat. Hoc *serum* Graecis uocatur distincto nomine *ὀππός*, Latinis *serum sanguinis*; de quo in specie uideri potest, IO. THEOD. SCHENCKIUS, in *Historia seri sanguis* in specie, saepius edita. Illi igitur qui duas saltem partes principales admittunt *lympham* a *sero* non distinguunt, quia utrique humores mixtim fluunt. Atque in hoc significato demum nominati WEDELII ualet sententia: *serum et ipsum alimentum est, et alimenti uehiculum.*

§. VI.

Nihil hic dicam de *sero lactis*, de quo non tam in physiologia, quam pharmacia, magis sermo est. Si enim *Lac* acescit, sponte separatur in partem solidam, *caseosam* et plane peculiarem substantiam, ad imitationem cruoris, et in *serosam* fluidam; etsi non negarem, *serum sanguinis* et *lactis* quoque inter se differe. Immo iam citatus PHILIP. VERHEYNIUS addit et *serum chyli*; hinc l. c. *Haec pars fluida*, inquit, *considerari solet, ut humor specialis, maxime in chylo, sanguine et lacte: soletque uocari serum; Et describi potest pars aquosior chyli.* Attamen, quoniam in statu hominis naturali et sano, siue

lactis

lactis, siue *chyli serum*, uix separatim inuenitur, nisi forte colostrum, lac istud, quod primo puerperis effluit, et lac quasi imperfectum ac ferosum est, ita nominare uelis. Igitur *serum* physiologice considerantes, de horum humorum *seris* non aliter agemus, quam quatenus etiam ab his humoribus humor tenuis per poros penetrat, sicuti a multis aliis liquoribus corporis humani, qui peculiariora nomina habent.

§. VII.

In strictissimo et proprio significato igitur, *serum* appellamus humorem illum aqueum excrementitium multis salinis, aliisque naturae humanae inimicis, uel superfluis particulis repletum, ab humoribus aliis secretum et sub forma, uel fluida, uel halitiosa excretum. Quod autem *serum* maxima ex parte de principio aquoso participet, etiam colluuiis omnium fere partium massae humorum sit, in eo omnes consentiunt auctores, et testimonii loco vel unicus sufficiat GEOR. DAN. COSCHWITZIUS, (c) qui sequens scholion in sua *Physiologia* habet: *In sero*, inquit, *concurrunt aquosae tenuiores, salinae, mucidae, et acres, biliosae, pingues, quae omnes inter se mixtae cohaerent, ut aquosa tenuis portio maximam atque primariam molem constituat, cui inhaeret paulo minus salinae, adhuc minus mucidae, et minimum sulphureae acris substantiae, quae tamen, licet minimam in mixtione portionem constituat, tanquam substantia agilis atque actiua, cum reliquis conueniens, dispositionem ac indolem fermentescibilem, orgasticam, halituosam inducit.* Hic denique humor ille est, quem Graeci olim uocarunt

B

1295

(c) *Organis. et Mechanis. in hom. uia, obu.* pag. 43.

1209 ; quamvis hodie magis in statu hominis praeternaturali a Pathologis et chirurgis hic terminus latine accipiatur.

§. VIII.

In hoc tertio significato *serum* proprie a Physiologis consideratur, et de eo nobis potissimum *sermo* est. Si itaque inquirimus in *originem* huius *seri*, et quidem *ratione materiae*, certissimum quidem est, materiam remotam esse alimenta, et inprimis potulenta ; proximam uero causam, eamque praecipuam esse sanguinem, seu potius partem eius lymphaticam, et reiterata circulatione attritam, atque in *serum* mutatam. Hinc ipsemet Celeberr. GEOR. ERNES. STAHLIUS: (d) *Serum ortum suum ducit*, inquit, *bonam quidem partem e rebus per os assumtis ; non exiguam tamen partem ex ipso sanguine, e sua mixtione sensim iterum resoluta, seu fatiscente*. Praeterea ab aliis etiam humoribus, praeter sanguinem, *serum* quoque sequestratur ; uel ipsi humores, alias interdum laudabiles, uel mora, uel motus defectu, uel motu nimis aucto, in eiusmodi limpidum *serum* fatiscunt ; quemadmodum optime de hac re iudicat supra iam adductus COSCHWITZIVS l. c. *Quod humoribus nostri corporis, etiam laudabilibus*, inquit, *ortum quoque debeat serum, facile perspiciunt illi, quibus cognitum est, quantum motus perpetuus attritorius, tam particularum inter se inuicem, quam ad latera partium porosarum, ad humorum resolutionem, particularum immutationem, saliumque generationem facit*.

§. IX.

Si autem perpendimus *originem ratione formae*, id est, si locum et instrumenta secretionis et excretionis consideramus ; profecto mul-

(d) Theor. medic. uer. pag. 222.

multifaria est *seri origo*. Non solum enim ab omnibus uisceribus, uerum etiam a tota fere machina corporis, quae plane perspirabilis est, sub uario schemate secernitur. Et quidem interdum meat secerniturque per tubulos renales sub urinae nomine in renibus; per glandulas miliares, poros, et minutissima uascula, tam in internis, quam externis corporis partibus, sub forma tenuis humoris, uel uaporis, aut transpirationis insensibilis; et statim ab ipso sanguine *serum per arterias serosas*, uti eas Doctissimus IOH. FRID. SCHREIBERVS (e) uocat, si ita de illis dicit: *Ramus*, inquit, *ex arteria sanguinea adceptum serum a corde ad partes adducit: continetur igitur sub genere arteriae. Vti uero arteria sanguinea ab humore, quem continet, nominatur: ita et fas erit, ramum illum uocare arteriosum*. Etsi nunc quidem haec *arteria serosa* est uas secretorium *seri sanguinis*: attamen deinde statim ita pergit: *arteria serosa secundi generis est uas, si deinde in corpore humano uiuo detur uas se ita habens ad arteriam serosam uti haec ad sanguineam: illa uocabitur arteria tertii generis: sic scitur quid sint uasa quarti, quinti, sexti generis. Valde probabile est, arterias serosas sic decrescere uti decrescant sanguineae, etc.*

§. X.

Sunt autem illa uascula stupendae exiguitatis, ita, ut solis oculis vix, immo nec armato uideri possint. Si enim obseruationibus per microscopia institutis famigeratissimi LEEVWENHOECKII fides habenda est, de quibus tamen plurimi eruditi minime dubitant, et potius eas pro fundamento hypothesium suarum agnoscunt, tam exi-

(e) In *Element. Medic. physico-mathemat.* pag. 355.

gua in corporis nostri partibus uasa sunt , quae tamen *serum* transmittunt , ut omnem admirationem superent. Testatur enim modo nominatus LEEVWENHOECKIUS , (f) se globulum feri non solum $\frac{1}{10}$ diametri globuli sanguinei aequalem obseruasse , uerum etiam tam exilia uasa , quae 2000000 minora pilo barbae suae fuerint. Haec uero minutissima uasa forte ansam dederunt celeberr. IO. IUNCKERO , (g) ut plane nulla uasa secretoria et excretoria sero subtiliori admiserit : *Seri halituosi modus excernendi* , inquit , *plane peculiaris est , et a reliquis humoribus sequestrandis in eo differt , quod propriis uasis secretoriis et excretoriis non indigeat. Tanta enim est illius tenuitas , ut ne ab angustissimis quidem colatoriis retineri possit , sed quaslibet partes penetrare , permeare , et transire soleat. Vnde non tantum per externam corporis superficiem , sed etiam per quascunque interiores partes feri huius excretio perpetratur ; id quod cadauerum sectiones ad oculum demonstrant : ubique enim locorum hos uapores exhalare obseruamus , euidente documento , quod densissimas quoque corporis membranas serum hoc halituosum penetret , perque uarios modos uariasque uias dissipetur et excernatur.*

§. XI.

Quoniam igitur *serum* ex uariis locis , et a uariis humoribus scernitur et excernitur , hinc etiam uarias admittit differentias , tam ratione coloris , ubi uel aqueum , uel albidum , uel flauum , etc. est , quam ratione qualitatis et quantitatis. Hinc a saepius commemorato

(f) *Arcan. detect.* pag. 16.

(g) *Conspect. Physiol.* pag. 327.

morato COSCHWITZIO , (h) in *crassum* et *tenue* distribuitur; GEOR. HEN. BEHRIUS, (i) in quatuor species *serum* diuidit , scilicet in *halituosum* , quod per insensibilem transpirationem excernitur ; deinde in *magis sulphureo-salinum* , quod sub sudoris titulo notum est ; tunc in istud , quod praeter has particulas etiam *terrestres* et *crassiores* secum ducit partes ; et denique in *serum mucidum* , seu *uiscosum* , quod mucii nomine notatur. Pariter etiam *serum sanguinis* iam saepius citatus GEOR. WOLFFG. WEDELIUS l. c. diuisit , in *alimentarium* , siue *utile* ; in *excrementitium siue inutile* , et in *medium excrementitium utile* , et *inutile*.

S. XII.

Haec a WEDELIO facta *seri* diuisio nos ducit ad famosam Physiologorum controuersiam ; quando nonnulli *serum* a *lymphâ* distinguunt ; alii uero pro uno eodemque liquore ambo habent. Quapropter illi sanguinem discescunt in tres partes : *cruorem* , *lympham* , et *serum*. Ita enim GEOR. PHILIP. NENTERUS (k) : *Quamuis materia* , inquit , *quae circulatione per totum corpus circumagitur* , *uideatur liquor admodum homogenius* , *ex tribus tamen constat partibus principalibus* , *sanguine scilicet stricte dicto* , *lymphâ nutritia* , et *sero excrementitio*. Hi autem saltem , uti supra monuimus , in duas partes , nimirum in *cruorem* et *serum* , seu in *cruorem* et *lympham* ; sicque *lympham* pro peculiari a *sero* distincto humore non habent. Priorem sententiam praeter hunc NENTERVM , defendunt quoque STAHLIVS , COSCHWITZIUS , IVNCKERVS , BEHRIUS , IO.

(h) In *Organis. et Mechanis. in hom. uiu obu.* pag. 137.

(i) *Physiol. medic.* pag. 490.

(k) *Theoria homin. san.* Cap. IV. membr. 11. pag. 91.

MAVR. HOFFMANNVS , VERHEYNIUS , LANGIVS , aliique. *Lympham* uero a *sero* non esse distinctam IO. BOHNIVS (1) contendit , si : *Sunt , qui inter serum sanguinis et lympham distinguunt , hancque laudabilem et roriferam , illud excrementitium pronunciant : ast quam minus gnari oeconomiae animalis sint , hoc ipso turpiter testantur , cum serum intra uasa sanguifera fluctuans uix , nisi situ , a sero lymphaticorum differat , eisdemque cum hoc qualitatibus gaudeat ; eumque sequuntur BERGERVS , ORTLOBIVS , TEICHMEYERVS , FRID. HOFFMANNVS , BOERHAAVIVS et HALLERVS , quondam Praeceptor meus nunquam non colendus , aliique.*

§. XIII.

Tota autem controuersia Logomachiam sapit , et , ut mihi uideatur , facile hi auctores inter se dissentientes conciliari possunt. Hi enim , qui duos terminos , *serum* et *lympham* promiscue sumunt , u. gr. *lympham* diuidunt in *laudabilem* et *nutritiam* , atque in *illaudabilem* et *effoetam* ; illa uero illaudabilis , seu *effoeta lymphæ* nihil aliud esse uidetur , quam quod alteri uocare solent *serum* : et qui *serum* in *utile* et *alimentarium* , atque in *inutile* et *excrementitium* distribuunt , nonne illi per *serum utile* , et *alimentarium* idem uolunt , quam quod alii per *lympham* ? Igitur distinctius saltem illi loquuntur , qui *serum* et *lympham* pro duobus habent separatis liquoribus , praesertim si *serum* , uti supra monstrauius , in sensu strictissimo consideratur , et *lymphæ* opponitur. Vt autem differentia horum duorum eo euidentius elucescat , appareatque ; paucis ostendere uolumus , quid in Physiologia per *lympham* intelligatur , et deinde qua ratione *serum* : *Lymphæ* discrepare soleat.

§. XIV.

(1) *Circul. anatomic. physiol.* pag. 186.

§. XIV.

Si Physiologis de *lymp̃ha* sermo est, quatenus ea adhuc cum sanguine, et quidem potissimum in arteriis, est coniuncta; tunc intelligitur per *lympham* pars sanguinis limpida, gelatinosa, particulis nutritiuis, aliisque humoribus utilibus repleta, ac conseruationi hominis summe necessaria. Quod si uero iam a sanguine separatim consideratur, quatenus in *uenis lymphaticis* a sanguine arterioso libera deprehenditur; tunc, ut uerbis Illustris FRID. HOFFMANNI (m) utar, ita definitur: *Lympha*, inquit, *est liquor diaphanus, aqueus, subtili gelatina imbutus, qui peculiaribus uasis, dictis lymphaticis ac pellucidis ab ambitu corporis et substantia partium ad cor reuehitur*. Qui etiam in sequenti scholio, eam multum cum succo nutritio conuenire, immo eam originem ab hoc succo habere, contendit. Plura autem quae de hac *lymp̃ha* et *uasis lymphaticis* dici possent, lubens praetereo; quia mihi animus haud est, de hoc humore copiosius uerba facere, ne nimis extra oleas excurrere uidear. Qui uero ampliorem huius rei historiam desiderat, is euoluat scripta (n) eruditissimi THOM. BARTHO- LINI, qui sibi ipsimet inuentionis gloriam horum uasorum uindicare studuit.

§. XV.

Quando itaque differentias, tam ex antea prolatis, quam ex aliorum Physiologorum scriptis, colligimus, experiemur, hos humores,

fi

(m) *Medicin. rational. system.* Lib. 1. Sect. 11. Cap. 3. §. 1.

(n) *Opusc. nou. anatomic.* Hassn. 1670.

si ambo, tanquam secreti, considerantur, differre inter se : 1.) *ratione qualitatis*; *lympham* enim describunt tanquam humorem multis particulis laudabilibus, gelatinosis, subdulcibus, immo adhuc residuo succo nutritio, liquidoque nerueo, impraegnatum : *serum* uero, tanquam fluidum, particulis impuris salino-sulphureis, crudis, terrestribus, aliisque massae humorum noxiis partibus repletum. Ideoque *lympham* in coagulum album abit, et exsiccando ualde conuenit cum albumine oui, teste magno HERM. BOERHAAVIO, (o) : *lympham*, inquit, *cum sanguine inter humores nostros coagulabilis est, et continet omnes particulas sanguinis, quae rubro globulo tenuiores sunt* : Haec autem de sero minime dici possunt. 2.) *ratione usus*; *lympham* pro utili et retinendo uitae ac sanitatis conseruationi summe necessario liquore habetur : *serum* ex aduerso, pro tali humore, qui merito tanquam oeconomiae uitali superfluo et noxio, ideoque pro excernendo et excrementitio liquore iudicatur. 3.) *Ratione sedis*; *lympham* peculiaribus uasis, quae ab ea nomen habent, nempe *uasis lymphaticis* continetur, et denuo chylo ac tandem sanguini admiscetur; ubi de nouo cum eo circulatur, nouumque usum praestat : *serum* autem per uaria colatoria corporis eicitur, et omni modo sub uario schemate, tanquam purgamentum sanguinis, aliorumque humorum, extra corpus eliminatur et proscribitur.

§. XVI.

Si mihi itaque licitum est, quid de hac distinctione inter *serum* et *lympham*, et inde orta controuersia, sentiam, aperte profiteri :
distin-

(o) *Institut. medic. c. praelect. academ. et. not.* HALLERI §. CCXLIX.

distinctionem distinctionis instituendum esse existimo. Quando enim hos duos liquores ante secretionem diiudicamus, quam diu inprimis adhuc cum sanguine sunt coniuncti atque commixti, tunc non deberent tanquam distincti humores diuersis denominationibus appellari, siquidem *serum* in secundo a nobis indicato significato, quatenus opponitur *cruori*, idem est, ac *lympa* et uicissim. Si uero ambo illos humores tanquam iam secretos intuemur, tunc omnino inter *lympham* et *serum* distinctio est admittenda, et, ut distincti humores peculiaribus terminis sunt denominandi, id quod nos antecedens docet paragraphus. Hac enim ratione deinde in tertio significato, eoque proprio et communi sensu sumitur, et peculiare humorum genus corporis humani constituit, cuius deinde quasi species, seu uarietates, sunt: *sudor*, *transpiratio*, *urina*, *mucus*.

§. XVII.

Cum igitur *serum* in Institutionibus medicis ad humores excernendos inutiles referri soleat, merito quaeritur, num plane nullum usum *serum* praestet in corpore humano? ubi omnino respondendum est: in hac humorum distributione uocem inutile non adeo in sensu rigoroso esse assumendam, sed secundum sensum medicum istud uocabulum esse interpretandum, ubi tanquam oppositum *humorum excernendorum utilium* ponitur; qui a Celeberr. IO. MAUR. HOFFMANNO, (p) ita definiuntur: *Excernendi inutiles humores sunt, inquit, qui nulli usui essentiali per se destinati, quin potius, propter noxam corpori ex illis retentis imminentem, eliminandi sunt.* Alias enim *serum* licet non *immediate*, tamen *mediate* etiam usum, eumque uarium corpori humano praestat, et quidem eatenus, quatenus cum aliis humo-

C

(p) *Sciagraph. Institut. Medicar.* pag. 32.

humoribus adhuc est coniunctum , tunc basin omnium fluidorum in corpore animali constituit ; quoniam principium phlegmaticum largissime in illo inuenitur , humorumque fluxilitatem promouet , eorumque non nullos nimis acres temperat , et alios nimis torpidos stimulando excitat ; unde hanc sententiam apud saepius laudatum GEOR. WOLFFG. WEDELIUM (q) inuenimus : *Serum* , inquit , *est frenum bilis et excitabulum*. Deinde etiam , si istud tanquam secretum humorem consideramus , hac ratione , ut humidum halituosum et uaporosum omnes fere partes solidas permeat , humectat , lubricat , flexiliores , mollioresque reddit ; de quo quasi uniuersali usu admodum iocosis uerbis modo excitatus WEDELIUS I. c. disseruit : *Sufficiat uniuersalem seri usum tetegisse* , inquit , *quod sit minister publicus et communis , omnium totius corporis partium famulus*. *Perluit totum corpus intus et extus , ubique praesens est , nullibi non obuium , etiam ubi princeps humor sanguis nullum habet omnino accessum*. *Mercurius est , et uelut tabellio , undique fines regni microcosmici percurrentes ; miles est perpetuus , et ueles , ut adstet ubique*. *Imbibit omnia et humorum tincturas reliquorum recipit , omnibus consimile , reddendum facile*.

§. XVIII.

Denique non diffiteor plura adhuc de sero in scenam produci posse , quae eius historiam adhuc magis illustrant : uerum tempus praefixum aliaeque rationes haud permittunt , ut huic labori diutius insistam. Vela igitur nunc contraho , et
ita disquisitioni impono

F I N E M.

PRAE-

(q) *Physiol. reformat.* pag. 87.

PRAENOBILISSIMO DOMINO CANDIDATO.

IO. LUDOV. FÜRSTIO.

S. P. D.

D. IO. IAC. KIRSTENIUS, P. P.



i quando ueteres quidam Artem pharmaceuticam uocant *medicinae oculum dextrum* ; uel *Pharmacopoeum*, *manum medicinae dextram* ; nihil aliud indicare uoluerunt , quam quod Medico Pharmaciae cognitio ita sit necessaria , ut quasi principem partem artis suae constituat. Idcirco illi plane non per ambages , sed potius tanquam optime praeparati , aggrediuntur studium medicum , qui antea hanc artem , Pharmaciae puto , sibi probe cognitam atque perspectam reddidere. Quorum exemplum TV quoque , *Candidate dignissime* , prudentissime es secutus. Posteaquam enim hac arte satis imbutus ; per aliquot annos , tam apud Göttingenses , quam apud nos , non sine singulari industria et sedulitate artem salutarem excolere studuisti : mirum non est , TE etiam haud exiguos in studiis TUIS profectus fecisse , et quidem eos , qui TE dignum praestiterint , ut nunc ex merito summos in arte nostra honores referre possis. De quibus honoribus proxime consequendis , TIBI non solum ex animo gratulor , uerum etiam , ut et impofterum TIBI omnia bene prospereque cedant , est , quod maxime in uotis habeo. Vale. Dab. Altorf. d. 19. Iun.

An. MDCCXLVIII.

Sic medica , FVRSTI , TE ostendis in arte magistrum,
Sic DOCTO strenuum praestas certamine heroem ;
Sic quantum PHOEBVS TE diligit atque GALENVS.
Hoc Specimen tam conspicuum , tam nobile monstrat;
Mox TIBI decentes meritosque MACHAON honores ,
Mox TIBI DOCTORIS titulum feret atque tiamam ;
Mox et HYGEA TIBI sociabitur annulo et auro ,
Excipietque suauiolo TE castus APOLLO.
Res feliciter ergo TVAS age semper , AMICE ,
Viue diu mactus uirtute , meique memento.

Ita
NOBILISSIMO DOCTISSIMOQUE DOMINO RESPONDENTI
artis salutiferae honorum
CANDITATO DIGNISSIMO
amicitiam haud fucatam gratulabundus testari uoluit,
CHRIST. IACOB. APIN,
Opponens.

Conscendis hodie summa cum laude Cathedram
Et ducis TECVM Praemia digna simul.
Certum non solus dat Iustinianus honores ,
Et Galenus amat magnificatque suos.
Gratulor inde TIBI, succedant prospera plura ,
Cuncta TIBI , FVRSTI , ad uota secunda fluant.

His paucis
PRAENOBILISSIMO ET DOCTISSIMO DOMINO
DOCTOR AND O
omnigenam apprecatur
felicitatem , et fauoris amicitiaeque honorem
semper conseruandum sibi expetit
FRIDERICVS THEOPHILVS PANZER,

Sulzbac.

Med. Stud. Opp.

Die

Die Ehre flieht und eilt; sie eilt mit schnellen Schritt
Von dem, der sie nur sucht und fast auf jeden Tritt
Nach ihrem Kleinod strebt; den, der nicht nach ihr trachtet,
Den, der auch nimmermehr sich ihrer würdig achtet,
Erhebt sie auf den Thron. Das sieht man auch an D N,
Dann DU stellst Dich hierinn zum besten Beyspiel für;
DU, o Gelehrter Freund! den ächte Weisheit zieret,
Den Tugend und Verstand zum Ehrentempel führet,
DU fliehst, die Ehre kommt, sie hat sich nicht verweilt,
Nein! Dir den schönsten Lohn, sich selbst mitgetheilt.

Hiermit wollte
Dem Hochedlen Herrn
CANDIDATEN
seinen ergebensten
Glückwunsch abstaten und sich bestens empfehlen
ein treuer Freund
und Diener

Johann Georg Roth,
von Weissenburg,
D. H. G. G. B.

So bricht die Freundschaft auch in fremder Lust herfür,
 Und wann sie sprechen soll, so naht sie sich zu DZK.
 Du weist wohl wie ich mich bey Deiner Würde freue,
 Und Wunsch und Zärtlichkeit aus treuer Brust erneue.
 Dahero siehest Du den Grund zu dichten ein.
 Wie? solt ich wohl dein Freund und ungerühret seyn?
 O nein! mein Herze fühlt der Freundschaft süsse Flammen,
 Die, weil sie edel sind, aus wahrer Freude stammen,
 Jetzt zeigen sie sich recht. Mein wünschen und mein flehn,
 Soll DZK, gepriesner Freund! in Zukunft glücklich sehn,
 Drum folge dem Geschick, Dein Wohl soll immer steigen,
 Und bleibt mir Deine Gunst, so kan ich ruhig schweigen.

Hiemit hat dem Hochedlen Herrn CANDIDATEN
 zur künftigen DOCTOR-Würde
 gehorsamst Glük wünschen
 und sich dessen fernere Freundschaft
 aus bitten wollen.

Halle den 12. Jun.
 1749.

Desselben ergebenster Freund
 und Diener

Johann Zacharias Sonnenmayer,
 von Weissenburg.

Mon-

*Monsieur le CANDIDAT,
mon très honoré Ami!*

L'estime que j'ai pour Vosres merites, m'oblige ces lignes à Vous adresser, pour un gage de l'inclination, qui me fait prendre part au bonheur qui vous arrive. Car aujourd'hui est ce jour qui fait preuve de Votre Erudition en Medicine, et qui repond à Votre diligence. Vous êtes maintenant les delices de Vos chers Parens et l'ornement de Vos Amis. Tous ces Vosres Amis Vous applaudissent, et moi, je n'ai que d'envoyer mes souhaits au ciel, quil Vous laisse obtenir une santé qui est la plus parfaite, et un sort, qui toujours augmente Votre bonheur. En fin je Vous prie de m'accorder la Grace de m'honorer de Votre Amitié, et de Vous quelque fois souvenir de celui, qui ne cessera jamais d'etre jusqu'au tombeau

Monsieur le CANDIDAT,

*mon très honoré Ami,
Votre très-humble et très*

obeissant Serviteur

IOACH. ALBERT. SCHNELLER,
de Weissenbourg,

Ce 20. de Juin.

1749.

du

Du hast, Hochedler Freund, die Zweifel schon bestritten,
Dich croent ein edler Geist, Dich croenen holde Sitten:
Der Lohn folgt schleunig nach; ich freue mich dabey,
Und wünsche, daß Dein Glük allzeit das beste sey.

Diß sind die redliche Wünsche,
Womit dem Hochedlen Herrn Candidaten,
Seine Ergebenheit bezeigen,
Und sich zu fernern Gewogenheit empfehlen will,
Dessen
ergebenster Freund und Diener,
Johann Schoenleben, aus Nürnberg.

CORRIGENDA.

Pag. 6. lin. 11. et 12. *pro*: chyum, *lege*. chylum.

Pag. 7. lin. 19. *pro*: serium, *lege* serum.

